



სსიპ ბათუმის მოთა რესთაველის  
სახელმწიფო უნივერსიტეტი

10 ოქტომბერი, 2023 წელი

**ბრძანება №01-02/189**

„სწავლის საფასურის დავალიანების მქონე, 2023 წლის 1 აგვისტოს მდგომარეობით  
სტატუსშეჩერებული ბსუ-ს სტუდენტების 2023-2024 სასწავლო წლის შემოდგომის  
სემესტრისათვის ბსუ-ს სასწავლო პროცესში დაბრუნებისათვის გასატარებელი  
ღონისძიებების შესახებ“ ბსუ-ს რექტორის 2023 წლის 28 სექტემბრის №01-02/185  
ბრძანებაში ცვლილების შეტანის შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის,  
ბსუ-ს წესდების მე-13 და 66-ე მუხლების, ბსუ-ს აკადემიური საბჭოს 2015 წლის 8  
ოქტომბრის №111 დადგენილებით დამტკიცებული „სასწავლო პროცესის  
მარეგულირებელი წესის“, „კრედიტების აღიარებისა და საგანმანათლებლო პროგრამის  
შეცვლის ან გაუქმების შემთხვევაში ბსუ-ს სტუდენტთა შემდგომი განათლებით  
უზრუნველყოფის წესის დამტკიცების შესახებ“ ბსუ-ს აკადემიური საბჭოს 2017 წლის  
29 ივნისის №55 დადგენილების, „ბსუ-ში მობილობის (შიდა მობილობის)  
ადმინისტრირების წესის დამტკიცების თაობაზე“ ბსუ-ს რექტორის 2023 წლის 1 აგვისტოს  
№01-02/143 ბრძანების, სწავლის საფასურის დავალიანების მქონე სტატუსშეჩერებული  
სტუდენტების დავალიანების გადახდისაგან გათავისუფლების თაობაზე საქართველოს  
პრემიერ მინისტრის ინიციატივის გაზიარების შესახებ 2023 წლის 18 სექტემბრის  
ურთიერთთანამშრომლობის მემორანდუმის, „სწავლის საფასურის დავალიანების მქონე,  
2023 წლის 1 აგვისტოს მდგომარეობით სტატუსშეჩერებული ბსუ-ს სტუდენტების 2023-  
2024 სასწავლო წლის შემოდგომის სემესტრისათვის ბსუ-ს სასწავლო პროცესში  
დაბრუნებისათვის გასატარებელი ღონისძიებების შესახებ“ ბსუ-ს წარმომადგენლობითი  
საბჭოს 2023 წლის 28 სექტემბრის N07-01/47 გადაწყვეტილების, სასწავლო პროცესის  
დეპარტამენტის მთავარი სპეციალისტის სამსახურებრივი ბარათის (MES 9 23 0001344746  
10/10/2023) საფუძველზე

**ვ ბ რ ძ ა ნ ე ბ:**

1. „სწავლის საფასურის დავალიანების მქონე, 2023 წლის 1 აგვისტოს მდგომარეობით  
სტატუსშეჩერებული ბსუ-ს სტუდენტების 2023-2024 სასწავლო წლის შემოდგომის  
სემესტრისათვის ბსუ-ს სასწავლო პროცესში დაბრუნებისათვის გასატარებელი  
ღონისძიებების შესახებ“ ბსუ-ს რექტორის 2023 წლის 28 სექტემბრის №01-02/185


ბრძანებაში შევიდეს ცვლილება, კერძოდ, პირველ პუნქტის „ე-ი“ ქვეპუნქტები ჩამოყალიბდეს შემდეგი რედაქციით:

- „ე) სასწავლო პროცესში დაბრუნების მსურველის მიერ კრედიტების აღიარების დასკვნის გაცნობის შემდეგ ბსუ-ს პორტალის მოდულის საშუალებით თანხმობის ან უარყოფის ელექტრონულად დაფიქსირება და 2023-2024 სასწავლო წლის შემოდგომის სემესტრის საფასურის არანაკლებ 40%-ის გადახდა (პირველ ეტაპზე გადასახდელი საფასური)- 2023 წლის 15 ოქტომბრის ჩათვლით, ხოლო სწავლის საფასურის დარჩენილი ოდენობის გადახდა - მე-2 და მე-3 ეტაპზე, ბსუ-ს რექტორის ბრძანებით განსაზღვრული ვადების შესაბამისად;
- ვ) სასწავლო პროცესში დაბრუნების მიზნით ბსუ-ს პორტალზე დარეგისტრირებული სტუდენტების მონაცემების შესახებ ბსუ-ს სასწავლო პროცესის დეპარტამენტის მიერ სამსახურებრივი ბარათის წარმოდგენა - არაუგვიანეს 2023 წლის 16 ოქტომბრისა;
- ზ) სასწავლო პროცესის დეპარტამენტის სამსახურებრივ ბარათში აღნიშნული სტუდენტების მიერ 2023-2024 სასწავლო წლის შემოდგომის სემესტრის სწავლის საფასურის (პირველ ეტაპზე გადასახდელი თანხის) გადახდის თაობაზე ინფორმაციის ბსუ-ს საფინანსო-ეკონომიკური დეპარტამენტის მიერ წარმოდგენა - არაუგვიანეს 2023 წლის 16 ოქტომბერი;
- თ) წინამდებარე ბრძანებით გათვალისწინებული ღონისძიებების განხორციელების შესახებ შემაჯამებელი სამსახურებრივი ბარათის წარმოდგენა, თანდართული ბსუ-ს რექტორის ბრძანების პროექტით, 2023-2024 სასწავლო წლის შემოდგომის სემესტრისათვის ბსუ-ს იმ სტუდენტთა ბსუ-ს სასწავლო პროცესში დაბრუნების თაობაზე, რომლებმაც შესარულეს წინამდებარე ბრძანების მოთხოვნები და გადაიხადეს დადგენილი წესის შესაბამისად მიმდინარე სემესტრის სწავლის საფასური - გამოიცეს არაუგვიანეს 2023 წლის 16 ოქტომბრისა (მათ შორის წინამდებარე ბრძანების გამოცემამდე, მ/წლის 11 ოქტომბერს - იმ სტუდენტების ნაწილში, რომლებმაც 2023 წლის 10 ოქტომბრის მდგომარეობით დაფარეს მიმდინარე სემესტრის სწავლის საფასურის ნაწილი (40 %), ხოლო 2023 წლის 16 ოქტომბერს გამოიცეს იმ სტუდენტების ნაწილში, რომლებმაც სტუდენტური პორტალის (<https://portal.bsu.edu.ge>) შესაბამისი მოდულის საშუალებით გაიარეს ელექტრონული რეგისტრაცია 2023 წლის 28 სექტემბრიდან 4 ოქტომბრის ჩათვლით და გადახდილი ექნებათ მიმდინარე სემესტრის სწავლის საფასურის ნაწილი (40 %) 2023 წლის 15 ოქტომბრის ჩათვლით;
- ი) ბსუ-ს რექტორის ბრძანების გამოცემა და სასწავლო პროცესში დაბრუნებული ბსუ-ს სტუდენტების 2023 წლის 1 აგვისტომდე არსებული სწავლის საფასურის დავალიანების მოხსნის (გათავისუფლების) საკითხის განხილვისათვის ბსუ-ს რექტორისა და ადმინისტრაციის ხელმძღვანელის ერთობლივი წარდგინების წარმომადგენლობითი საბჭოსათვის წარდგენა - 2023 წლის 17 ოქტომბრის შემდეგ.“.
2. სტუდენტთა საჯარო ინფორმირებისათვის წინამდებარე ბრძანების შესაბამისი განცხადება განთავსდეს ბსუ-ს ვებგვერდზე და ბსუ-ს პორტალზე.
3. ბრძანება განთავსდეს ბსუ-ს ვებგვერდზე.
4. ბრძანება დაეგზავნოს წარმომადგენლობით საბჭოს და აკადემიურ საბჭოს, რექტორის მოადგილეს (ა. ბერიძე), ხარისხის უზრუნველყოფის სამსახურის ხელმძღვანელს, ადმინისტრაციის ხელმძღვანელს, ბსუ-ს ფაკულტეტებს (დეკანს, ხარისხის

უზრუნველყოფის სამსახურის უფროსს, დარგობრივი დეპარტამენტის ხელმძღვანელებს, დეკანის ოფისს), სასწავლო პროცესის დეპარტამენტს (ასევე სამსახურებს), საქმისწარმოების სამსახურს (კანცელარია), სამეცნიერო კვლევების სამსახურს, საზოგადოებასთან ურთიერთობის სამსახურს, იურიდიულ დეპარტამენტს და საინფორმაციო ტექნოლოგიების სამსახურს.

5. ბრძანება ძალაში შევიდეს ხელმოწერისთანავე.
6. ბრძანება შეიძლება გასაჩივრდეს ბათუმის საქალაქო სასამართლოში (ქ. ბათუმი, სტეფანე ზუბალაშვილის №30), კანონმდებლობით დადგენილ ვადაში და წესით.

რექტორი, პროფესორი



მერაბ ხალვაში